

Odluka o komunalnim taksama i tarifi komunalnih taksa **PRIJEDLOG**

Na osnovu člana 12. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), člana 13. Zakona o pripadnosti javnih prihoda u Federaciji Bosne i Hercegovine („Službene novine F BiH“, broj: 22/06, 43/08, 22/09, 35/14 i 94/15), te 32. stav 1. tačka 4. člana Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na ___ redovnoj sjednici održanoj dana ____.2022. godine, donijelo je

ODLUKU O KOMUNALNIM TAKSAMA I TARIFI KOMUNALNIH TAKSA

Član 1.

(Predmet Odluke)

Ovom Odlukom propisuju se komunalne takse koje se plaćaju na području općine Velika Kladuša, obaveznici plaćanja komunalnih taksa, tarifa komunalnih taksi, podnošenje prijava za plaćanje komunalne takse i druga pitanja u vezi sa razrezom i naplatom komunalnih taksa.

Član 2.

(Plaćanje komunalne takse)

- (1) Takse se plaćaju za korištenje predmeta i usluga utvrđenih Tarifom komunalnih taksa (u daljem tekstu: Tarifa), koja je sastavni dio ove Odluke.
- (2) Takse se uplaćuju u korist budžeta Općine Velika Kladuša.

Član 3.

(Vrste komunalnih taksa)

Komunalne takse (u daljem tekstu: takse) plaćaju se za:

- a) istaknutu firmu,
- b) isticanje reklama,
- c) privremeno zauzimanje javnih površina,
- d) prodaju roba ili pružanje usluga izvan poslovnih prostorija,
- e) priređivanje zabavnih igara,
- f) organizovanje i držanje žive muzike u ugostiteljskim objektima,
- g) korištenje uređaja za pružanje usluga mobilne telefonije,
- h) korištenje elektroenergetskih objekata kojima se vrši prenos električne energije,
- i) korištenje podzemnih i nadzemnih instalacija,
- j) korištenje uređaja za pružanje usluga kablovske televizije i bežičnog interneta.

Član 4.

(Pojmovi i termini)

Pojmovi i termini koji se upotrebljavaju u ovoj Odluci:

- a) Pod istaknutom firmom u smislu ove Odluke podrazumjeva se ime i naziv pod kojim je registrirano pravno ili fizičko lice.
- b) Pod isticanjem reklama, kojima se reklamiraju proizvodi, usluge i dobra podrazumijeva se:
 1. reklamni pano,
 2. samostojeći reklamni pano (city light, billboard, bigboard, megaboard, totem, wallscape, display i sl),

3. reklama na stubovima javne rasvjete,
 4. reklamni ormarić ili vitrina,
 5. pokretni reklamni pano,
 6. transparent,
 7. reklama na tendama,
 8. jarbol sa reklamnom zastavom,
 9. reklamni sadržaj, poruka ili informacija, koja je oslikana, ljepljena, pisana ili otisnuta na fasadi građevina ili izlozima poslovnih prostora.
- c) Pod zauzimanjem javnih površina podrazumijeva se zauzimanje istih za održavanje javnih manifestacija uz naplatu ulaznica (koncerti, video projekcije i sl.), komercijalnih prezentacija i prigodnih prodaja dobara,
- d) Pod prodajom roba i pružanjem usluga izvan poslovnih prostorija podrazumijeva se pružanje ugostiteljskih usluga u ljetnim baštama, izlaganje roba u vitrinama, prodaja roba na pokretnim stolovima, postavljanje i korištenje bankomata i aparata za prodaju proizvoda u originalnom pakovanju i pružanje ugostiteljskih usluga,
- e) Pod priređivanjem zabavnih igara u ugostiteljskim objektima i drugim prostorima podrazumijevaju se igre na računarima, igraćim konzolama, simulatorima, automatima za video igre, fliperima, bilijarima i drugim sličnim automatima koji se stavljaju u pogon pomoću kovanog novca, žetona ili uz naplatu, a u kojima igrač ne može ostvariti dobitak u novcu, stvarima ili pravima,
- f) Pod organizovanjem i držanjem žive muzike u ugostiteljskim objektima podrazumijeva se povremeno ili svakodnevno izvođenje muzičkog programa uz pružanje ugostiteljskih usluga,
- g) Pod korištenjem uređaja za pružanje mobilne telefonije podrazumijeva se korištenje baznih i mikrobaznih stanica mobilne telefonije, predajnika (pasivni repetitori), antena i stubova,
- h) Pod korištenjem elektroenergetskih objekata kojima se vrši prenos električne energije podrazumijeva se korištenje: prenosnih trafostanica i elektrovučnih postaja, trafostanica, rasklopnih postrojenja i distributivnih trafostanica,
- i) Pod korištenjem podzemnih i nadzemnih instalacija podrazumijeva se korištenje elektroenergetskih, telekomunikacijskih i kablovskih instalacija u svrhu prenosa telefonskog, TV i internet signala, prenosa podataka, električne energije i sl,
- j) Pod korištenjem uređaja za pružanje usluga kablovske televizije i bežičnog interneta podrazumijeva se korištenje baznih i mikrobaznih stanica, predajnika, antena i stubova.

Član 5.

(Obveznik takse)

- (1) Obveznik takse je svako pravno i fizičko lice koje obavlja svoju registriranu poslovnu djelatnost i koje koristi predmet, prostor ili pruža uslugu za čije korištenje je propisano plaćanje takse.
- (2) Ako za istu taksu postoje dva ili više obveznika njihova obaveza je solidarna.

Član 6.

(Obaveza i način plaćanja takse)

- (1) Obaveza plaćanja takse nastaje u trenutku kad se počinje koristiti predmet, prostor ili pružati usluga za čije korištenje je propisano plaćanje takse.
- (2) Taksa se plaća na način i u rokovima propisanim ovom Odlukom.

Član 7.

(Prihodi od taksi)

Prihodi od taksi uplaćuju se na račun javnih prihoda Budžeta Općine Velika Kladuša putem poslovne banke.

Član 8.

(Podnošenje prijave)

- (1) Obveznik takse dužan je podnijeti prijavu za razrez takse, na obrascima čiji sadržaj propisuje Općinski načelnik Općine Velika Kladuša.
- (2) Obveznik takse dužan je prije početka korištenja predmeta, prostora ili pružanja usluga za čije korištenje je ovom Odlukom propisano plaćanje takse na propisanom obrascu podnijeti prijavu:
 - a) za taksu iz člana 3. tačka a) i e) - Poreznoj upravi, Ispostava Velika Kladuša,
 - b) za taksu iz člana 3. tačka b), c), d), f), g), h), i) i j) - Službi nadležnoj za komunalne djelatnosti (u daljem tekstu: nadležna Služba).

Član 9.

(Rokovi za podnošenje prijave)

- (1) Prijava za razrez takse podnosi se do 31. januara tekuće godine za koju se razrez vrši, za taksu, čiji je iznos utvrđen na godišnjoj razini, odnosno do 5. u mjesecu za takse čiji je iznos utvrđen na mjesečnoj razini.
- (2) Rok za prijavu ostalih taksa je sedam dana prije početka korištenja predmeta, prostora ili usluga za čije je korištenje propisano plaćanje takse.
- (3) Promjene nastale poslije 1. januara tekuće godine, odnosno u toku godine, takseni obveznik dužan je prijaviti ovisno od nadležnosti, Poreznoj upravi ili nadležnoj Službi, najkasnije u roku od 15 (petnaest) dana od dana nastanka promjene.
- (4) Kada pravno i fizičko lice koje obavlja svoju registriranu poslovnu djelatnost u toku godine postane obveznik takse, plaća taksu u iznosu koji je srazmjeran vremenu od dana nastanka taksene obaveze do kraja tekuće godine.

Član 10.

(Rješenje)

- (1) Taksene prijave moraju biti potpune i podnesene u roku.
- (2) Obavezu plaćanja takse, na osnovu podnešenih prijava, rješenjem utvrđuju:
 - a) Porezna uprava, Ispostava Velika Kladuša - za taksu iz člana 3. tačka a) i e),
 - b) nadležna Služba - za taksu iz člana 3. tačka b), c), d), f), g), h), i) i j).
- (3) Ako obveznik takse iz stava (2) tačka a) ovog člana, nije podnio prijavu u roku od 15 (petnaest) dana od roka utvrđenog članom 9. ove Odluke, Porezna uprava ima ovlaštenje da u ime taksenog obveznika podnese prijavu za plaćanje takse.
- (4) Ako obveznik takse iz stava (2) tačka b) ovog člana nije podnio prijavu u roku od 30 (trideset) dana od roka utvrđenog članom 9. ove Odluke, nadležna Služba će po službenoj dužnosti rješenjem utvrditi obavezu plaćanja takse.

Član 11.

(Evidencija)

Porezna uprava i nadležna Služba kontinuirano prikupljaju i evidentiraju podatke i promjene od značaja za razrez i naplatu takse.

Član 12.

(Način plaćanja)

- (1) Taksa se plaća u jednakim mjesečnim ratama unaprijed do 5. u mjesecu.
- (2) Mjesečni iznos takse iz stava (1) ovog člana utvrđuje se dijeljenjem ukupno utvrđenog iznosa takse i perioda za koji je utvrđena taksena obaveza.
- (3) Takse koje su utvrđene za period kraći od jednog mjeseca, plaćaju se u roku od sedam dana od dana nastanka taksene obaveze.

Član 13.

(Zahtjev za povrat takse)

- (1) Lice koje je platilo taksu koju, po odredbama ove Odluke, nije bilo dužno da plati, kao i lice koje je preplatilo taksu ima pravo na povrat sredstava na osnovu zahtjeva koji podnosi:
 - a) Poreznoj upravi, Ispostava Velika Kladuša - za taksu iz člana 3. tačka a) i e) ove Odluke,
 - b) nadležnoj Službi - za taksu iz člana 3. tačka b), c), d), f), g), h), i) i j) ove Odluke.
- (2) Porezna uprava i nadležna Služba će po osnovu zahtjeva iz stava (1) ovog člana donijeti rješenje, u roku od 30 dana od dana primitka zahtjeva za povrat sredstava.

Član 14.

(Primjena Zakona)

U dijelu razreza taksi, naplate, zastare, povrata i ostalih radnji koje nisu posebno regulisane ovom Odlukom, Porezna uprava će primjenjivati odredbe Zakona o poreznoj upravi, a nadležna Služba primjenjivat će odredbe Zakona o upravnom postupku.

Član 15.

(Prinudna naplata takse)

Ako obveznik u propisanom roku ne uplati taksu, nadležna Služba će sudskim putem pokrenuti postupak prinudne naplate.

Član 16.

(Oslobađanja)

Od plaćanja komunalne takse oslobođeni su:

- a) Organi i tijela državne, federalne, kantonalne i općinske/gradske vlasti,
- b) Javne ustanove iz oblasti prosvjete, nauke, kulture, zaštite kulturne i prirodne baštine, sporta, zdravstva, veterinarstva, socijalne zaštite, humanitarne, vjerske i dobrotvorne organizacije za ostvarivanje ciljeva iz osnovne djelatnosti za koje su registrovani,
- c) Registrovana poljoprivredna gazdinstva,
- d) Obrtnici iz Uredbe o zaštiti starih tradicionalnih zanata i
- e) Organizacije civilnog društva – OCD (udruženja građana, nevladine organizacije).

Član 17.

(Olakšice)

Fizička lica koja se registruju za obavljanje samostalne djelatnosti kao i fizička i pravna lica koja se registruju za obavljanje proizvodne djelatnosti, oslobađaju se obaveze plaćanja komunalne takse za istaknutu firmu i to:

Odluka o komunalnim taksama i tarifi komunalnih taksa PRIJEDLOG

- a) za prve 2 godine 100%,
- b) za treću godinu 50% od ukupnog iznosa taksene obaveze.

Član 18.

(Kriteriji za utvrđivanje visine taksa)

(1) Opći kriteriji za utvrđivanje visine takse su:

- a) površina prostora po m² koja se koristi,
- b) zone u kojima se koriste predmeti, prostori ili pružaju usluge.

(2) Prema položaju i pogodnosti lokacije, područje grada i Općine Velika Kladuša, dijeli se u 6 (šest) zona utvrđenih Odlukom o građevinskom zemljištu („Službeni glasnik Općine Velika Kladuša“, broj: 3/17 i 11/19).

Član 19.

(Tarife)

Visina taksa utvrđuje se Tarifom komunalnih taksa (u daljem tekstu: Tarifa), koja predstavlja Aneks I ove Odluke i njen je sastavni dio.

Član 20.

(Upravni nadzor)

Upravni nadzor nad provođenjem ove Odluke vrši Služba nadležna za komunalne djelatnosti.

Član 21.

(Inspeksijski nadzor)

(1) Inspeksijski nadzor nad primjenom ove Odluke vrši općinska komunalna i urbanističko-građevinska inspekcija, svaka u okviru svojih ovlaštenja.

(2) Oglasi i reklamni panoi za koje nije plaćena taksa biće uklonjeni putem nadležne inspekcije, uz naplatu troškova izvršenja, bez obzira na akta o građenju koja posjeduju, a što se odnosi i na oglase i reklamne panoe za koje nisu izmirene obaveze iz prethodnog perioda.

Član 22.

(Prekršaji)

(1) Novčanom kaznom u iznosu od 1.000,00 KM - 2.000,00 KM kazniće se za prekršaj pravno lice:

- a) ako postupa suprotno odredbama člana 8. ove Odluke,
- b) ako postupa suprotno odredbama člana 9. ove Odluke.

(2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 KM - 1.000,00 KM.

(3) Za prekršaj iz stava (1) ovog člana kaznit će se i fizičko lice, koje obavlja registriranu poslovnu djelatnost novčanom kaznom u iznosu od 300,00 KM - 800,00 KM.

(4) Novčanom kaznom od 2.000,00 KM do 10.000,00 KM kaznit će se za prekršaj pravno lice ako:

- a) ne postupa po rješenju inspektora u postupku poduzimanja preventivnih mjera;
- b) ne sudjeluje u vršenju inspeksijskog nadzora;
- c) onemogućuje inspektorima vršenje inspeksijskog nadzora ili sprječava i znatno otežava vršenje inspeksijskog nadzora.

(5) Za prekršaj iz stava (4) ovog člana kaznit će se i odgovorno lice u pravnom licu novčanom kaznom u iznosu od 500,00 KM - 1.000,00 KM.

Član 23.

(Postupci koji nisu okončani)

Postupci razreza komunalne takse koji nisu okončani do dana stupanja na snagu ove Odluke okončat će se prema odredbama Odluke o komunalnim taksama i tarifi komunalnih taksa („Službeni glasnik Općine Velika Kladuša“, broj: 12/05, 9/06, 10/09, 10/14 i 14/17).

Član 24.

(Prestanak važenja Odluke)

Danom stupanja na snagu ove Odluke prestaje da važi Odluka o komunalnim taksama i tarifi komunalnih taksa („Službeni glasnik Općine Velika Kladuša“, broj: 12/05, 9/06, 10/09, 10/14 i 14/17).

Član 25.

(Stupanje na snagu Odluke)

Ova Odluka stupa na snagu osmog dana od dana objavljivanja u „Službenom glasniku Općine Velika Kladuša“ a primjenjivat će se od 1.1.2022. godine.

ANEKS I – TARIFA KOMUNALNIH TAKSA

DIO A-Tarifni broj 1.

(istaknuta firma)

Pod površinom prostora za utvrđivanje iznosa takse za istaknutu firmu podrazumijeva se poslovni prostor utvrđen rješenjem nadležnog organa kojim su utvrđeni tehnički i drugi uslovi za obavljanje registrovane djelatnosti.

Korisna površina prostora (m ²)	I zona KM/godišnje	II zona KM/godišnje	III zona KM/godišnje	IV zona KM/godišnje	V zona KM/godišnje	VI zona KM/godišnje
do 25 m ²	300,00	200,00	150,00	100,00	80,00	60,00
od 25 m ² do 50 m ²	400,00	300,00	240,00	200,00	100,00	80,00
od 50 m ² do 100 m ²	500,00	450,00	400,00	300,00	200,00	100,00
preko 100 m ²	iznosu od 500,00 KM za 100 m ² korisne površine prostora zbraja se iznos od 0,50 KM za svaki naredni m ²	iznosu od 450,00 KM za 100 m ² korisne površine prostora zbraja se iznos od 0,45 KM za svaki naredni m ²	iznosu od 400,00 KM za 100 m ² korisne površine prostora zbraja se iznos od 0,40 KM za svaki naredni m ²	iznosu od 300,00 KM za 100 m ² korisne površine prostora zbraja se iznos od 0,35 KM za svaki naredni m ²	iznosu od 200,00 KM za 100 m ² korisne površine prostora zbraja se iznos od 0,30 KM za svaki naredni m ²	iznosu od 100,00 KM za 100 m ² korisne površine prostora zbraja se iznos od 0,25 KM za svaki naredni m ²

Obrtnicima kojima je to osnovna ili dopunska djelatnost, a za obavljanje iste nije im potreban poslovni prostor, taksa na istaknutu firmu utvrđuje se paušalno, u iznosu od 150,00 KM/godišnje.

Za svaku istaknutu oznaku, obilježje ili natpis na taksi vozilima, kojim se označava obavljanje djelatnosti taksi prijevoza plaća se godišnja taksa u iznosu od 100,00 KM.

DIO B-Tarifni broj 2.

(isticanje reklama)

Vrsta reklama	I zona	II zona	III zona	IV zona	V zona	VI zona
Reklamni natpisi, samostojeći reklamni panoi, reklame na stubovima javne rasvjete i pokretni reklamni panoi (KM/m ² /godišnje)	150,00	120,00	100,00	90,00	70,00	50,00
Reklamni pano sa nosačima do 20 m ² površine na fasadi građevine-wallscape (KM/komad/godišnje)	500,00	450,00	400,00	350,00	300,00	250,00

Odluka o komunalnim taksama i tarifni komunalnih taksa **PRIJEDLOG**

Reklamni pano sa nosačima preko 20 m ² površine na fasadi građevine-wallscape (KM/komad/godišnje)	600,00	550,00	500,00	450,00	400,00	350,00
Tenda, jarbol, reklamni ormarić ili vitrina (KM /komad/godišnje)	100,00	80,00	60,00	50,00	40,00	30,00
Reklame na fasadi građevine (KM /m ² /godišnje)	15,00	13,00	10,00	8,00	6,00	5,00
Transparenti (KM/komad/dnevno)	20,00	18,00	15,00	12,00	10,00	5,00
Reklame na izlozima poslovnih prostora, (KM /m ² /godišnje)	20,00	15,00	10,00	8,00	5,00	3,00

Taksa za obostrane reklame utvrđuje se za svaku stranu reklame.

Komunalna taksa se za oglase i panoe locirane uz magistralnu cestu uvećava se za 30%, a uz regionalnu cestu za 20% iznosa.

Subjekti koji se profesionalno bave pružanjem usluge reklamiranja po istaknutom panou plaćaju fiksni iznos komunalne takse od 1.500,00 KM, godišnje, bez obzira na prostorni obuhvat u kojem su panoi locirani.

Odredba iz prethodnih stavova ne odnose se na sportska društva na području Općine Velika Kladuša. Sportska društva dužna su podnijeti nadležnoj Općinskoj službi zahtjev za postavljanje oglasa i reklamnih panoa a troškovi plaćanja takse će se urediti posebnim ugovorom uz mogućnost oslobađanja plaćanja iste, a sredstva za tu namjenu će se predvidjeti budžetom Općine Velika Kladuša.

DIO C-Tarifni broj 3.

(privremeno zauzimanje javnih površina)

Svrha privremenog zauzimanja javnih površina	Iznos takse (KM/m ² /dnevno)
Održavanje javnih manifestacija uz naplatu ulaznica (koncerti, video projekcije i sl.)	2,00
Održavanje komercijalnih prezentacija i prigodnih prodaja proizvoda	5,00

DIO D-Tarifni broj 4.

(prodaja roba ili pružanje usluga izvan poslovnih prostorija)

Vrsta usluga	I zona	II zona	III zona	IV zona	V zona	VI zona
Pružanje ugostiteljskih usluga van ugostiteljskih objekata, na javnoj površini, u vrijeme sezone od 01.03. do 30.11. (KM/m ² /mjesečno)	6,00	5,50	5,00	4,00	3,00	2,00
Pružanje ugostiteljskih usluga van ugostiteljskih objekata, na vlastitoj površini, u vrijeme	2,50	2,00	1,70	1,50	1,20	1,00

Odluka o komunalnim taksama i tarifi komunalnih taksa **PRIJEDLOG**

sezone od 01.03. do 30.11. (KM/m ² /mjesečno)						
Pružanje ugostiteljskih usluga van ugostiteljskih objekata, na javnoj površini, van sezone (paušalno/KM/mjesečno)	120,00	100,00	80,00	60,00	50,00	40,00
Pružanje ugostiteljskih usluga van ugostiteljskih objekata, na vlastitoj površini, van sezone (paušalno/KM/mjesečno)	50,00	45,00	40,00	35,00	30,00	20,00
Držanje vitrine radi izlaganja i prodaje roba izvan poslovnih prostora (KM/mjesečno)	100,00	90,00	80,00	70,00	60,00	50,00
Postavljanje i korištenje bankomata (KM/godišnje po bankomatu)	1000,00	800,00	600,00	400,00	300,00	200,00

DIO E-Tarifni broj 5.
(priređivanje zabavnih igara)

Vrsta zabavnih igara	I zona	II zona	III zona	IV zona	V zona	VI zona
Igre na računarima, igraćim konzolama, simulatorima, automatima za video igre, fliperima, bilijarima, pikadima, stolovima za stolni nogomet i drugim sličnim automatima (KM/komad/mjesečno)	70,00	60,00	55,00	50,00	45,00	40,00

DIO F-Tarifni broj 6.
(organizovanje i držanje žive muzike u ugostiteljskim objektima)

Oganizovanje i držanje žive muzike u ugostiteljskim objektima otvorenog ili zatvorenog tipa u svim zonama	100,00 KM/dnevno
---	------------------

DIO G-Tarifni broj 7.

(korištenje uređaja i opreme za pružanje usluga mobilne telefonije)

Vrsta uređaja/opreme	I zona	II zona	III zona	IV zona	V zona	VI zona
Bazna stanica mobilne telefonije (KM/po komadu/godišnje)	10.000,00	9.500,00	9.000,00	8.500,00	8.000,00	7.500,00
Mikrobazne stanice mobilne telefonije (KM/po komadu/godišnje)	6.000,00	5.800,00	5.500,00	5.000,00	4.500,00	4.000,00
Predajnici (pasivni repetitori) (KM/po komadu/godišnje)	3.000,00	2.800,00	2.500,00	2.300,00	2.000,00	1.800,00
Antene i stubovi (KM/po komadu/godišnje)	3.000,00	2.800,00	2.500,00	2.300,00	2.000,00	1.800,00

DIO H-Tarifni broj 8.

(korištenje elektroenergetskih objekata kojima se vrši prenos električne energije-trafostanica)

Vrsta uređaja/opreme	I zona	II zona	III zona	IV zona	V zona	VI zona
Prenosna trafostanica i elektrovučna postaja	10.000,00	9.500,00	9.000,00	8.500,00	8.000,00	7.500,00
Trafostanica i rasklopna postrojenja	3.000,00	2.800,00	2.500,00	2.300,00	2.000,00	1.800,00
Distributivna trafostanica	1.000,00	800,00	700,00	600,00	500,00	450,00

DIO I-Tarifni broj 9.

(korištenje podzemnih i nadzemnih instalacija)

Vrsta uređaja/opreme	I zona	II zona	III zona	IV zona	V zona	VI zona
Podzemne i nadzemne instalacije (KM/m ² /godišnje)	0,35	0,30	0,25	0,20	0,15	0,10

DIO J-Tarifni broj 10.

(korištenje uređaja i opreme za pružanje usluga kablovske televizije i bežičnog interneta)

Vrsta uređaja/opreme	I zona	II zona	III zona	IV zona	V zona	VI zona
Bazna stanica (KM/po komadu/godišnje)	7.000,00	6.500,00	6.000,00	5.000,00	4.000,00	3.000,00
Mikrobazna stanica (KM/po komadu/godišnje)	4.000,00	3.500,00	3.000,00	2.500,00	2.000,00	1.500,00
Predajnik (KM/po komadu/godišnje)	2.000,00	1.500,00	1.000,00	800,00	600,00	500,00
Antene i stubovi (KM/po komadu/godišnje)	2.000,00	1.500,00	1.000,00	800,00	600,00	500,00

Obrađivač:
Služba za komunalne djelatnosti, vodne resurse,
zaštitu okoliša i inspeksijske poslove

Predlagač:
Općinski načelnik

O B R A Z L O Ž E N J E

I PRAVNI OSNOV ZA DONOŠENJE

Pravni osnov za donošenje prijedloga Odluke o komunalnim taksama i tarifi komunalnih taksa sadržan je u odredbama:

- člana VI.4.b) Ustava Federacije Bosne i Hercegovine kojim je propisano da općinsko vijeće usvaja općinski budžet i donosi propise o oporezivanju i na druge načine osigurava potrebno finansiranje koje nisu osigurali kantonalna i federalna vlast;
- člana 12. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona”, broj: 8/11), kojim je propisano da općina, kao jedinica lokalne samouprave, u okviru vlastite nadležnosti donosi propise o porezima, naknadama, doprinosima i taksama iz nadležnosti jedinice lokalne samouprave;
- člana 13. Zakona o pripadnosti javnih prihoda u Federaciji Bosne i Hercegovine („Službene novine Federacije BiH“, br.: 22/06, 43/08, 22/09, 35/14 i 94/15) kojim je propisano da jedinicama lokalne samouprave pripadaju javni prihodi, naknade i takse u skladu sa propisima ovih jedinica i da tu visinu utvrđuje općinsko vijeće;
- člana 32. stav 1. tačka 4. Statuta Općine Velika Kladuša („Službeni glasnik Općine Velika Kladuša“, broj: 12/11) da Općinsko vijeće donosi propise o porezima, taksama, naknadama i doprinosima Općine u skladu sa zakonom.

Općinsko vijeće Općine Velika Kladuša na VIII redovnoj sjednici održanoj dana 13.1.2022. godine usvojilo Nacrt Odluke o komunalnim taksama i tarifi komunalnih taksa, te tom prilikom usvojilo zaključak kojim se zadužuje nadležna Služba Općinskog organa uprave, da zbog epidemioloških mjera, organizira javnu raspravu o Nacrtu Odluke o komunalnim taksama i tarifi komunalnih taksa pismenim putem.

U skladu po pomenutom zaključkom Služba za komunalne djelatnosti, vodne resurse, zaštitu okoliša i inspeksijske poslove je izdala Obavijest dana 17.1.2022. godine u kojoj je navedeno da je predmetni dokument objavljen na web stranici općine Velika Kladuša, a isti se mogao dobiti na uvid u šalter sali općine Velika Kladuša ili direktno u Službi svakim radnim danom. Navedenim aktom pozvani svi privredni i ostali zainteresirani subjekti da svoje primjedbe, prijedloge, mišljenja i sugestije na Nacrt Odluke o komunalnim taksama i tarifi komunalnih taksa dostave u pisanoj formi ovoj Službi putem emaila, pošte ili lično na protokol u zgradi Općine. Javna rasprava o Nacrtu Odluke o komunalnim taksama i tarifi komunalnih taksa je trajala 10 radnih dana od dana objave obavijesti, tj. od 17. do 28. januara 2022. godine.

Javnoj raspravi su se odazvali, odnosno svoje pisane prijedloge dostavili sljedeći zainteresirani subjekti: Udruženje Poduzetnika Velika Kladuša, pravno lice "D&G" d.o.o. Velika Kladuša (u ime više poslovnih subjekata sa područja općine Velika Kladuša) i Politička organizacija "Naša stranka" Velika Kladuša. Pored navedenih prijedloga ova Služba je kao prijedlog tretirao i amandmane SDA Velika Kladuša od 10.1.2022. godine na prijedlog Odluke o komunalnim taksama i tarifi komunalnih taksa, koju Općinsko vijeće Općine Velika Kladuša nije razmatralo na svojoj sjednici održanoj dana 13.1.2022. godine.

Primjedbe, prijedlozi i sugestije koje je predlagač smatrao opravdanim ugrađene su u predloženi tekst Odluke, kako slijedi:

Prijedlog Udruženja Poduzetnika Velika Kladuša:

- da se sve organizacije civilnog društva oslobode od obaveze plaćanja komunalne takse (član 16. Odluke).

Prijedlozi Političke organizacije "Naša stranka" Velika Kladuša:

- da se registrovana poljoprivredna gazdinstva, obrtnici i organizacije civilnog društva (OCD) oslobode od obaveze plaćanja komunalne takse (član 16. Odluke),
- da se obrtnicima kojima je to osnovna ili dopunska djelatnost, a za obavljanje iste nije im potreban poslovni prostor, taksa za istaknutu firmu utvrđuje paušalno, u iznosu od 150,00 KM/godišnje (tarifni broj 1.),
- da se sve stavke/iznosi u tarifnom broju 2. (isticanje reklama) u aneksu I – tarifa komunalnih taksa umanje na način kako su predložili,
- da subjekti koji se profesionalno bave pružanjem usluge reklamiranja po istaknutom panou plaćaju fiksni iznos komunalne takse od 1.500,00 KM godišnje, bez obzira na prostorni obuhvat u kojem su panoi locirani (tarifni broj 2.).

Prijedlozi Političke organizacije "Stranka demokratske akcije" Velika Kladuša:

- da se pravna i fizička lica koja obavljaju samostalnu djelatnost i koja registruju i obavljaju proizvodne djelatnosti, oslobađaju se obaveze plaćanja komunalne takse za istaknutu firmu: za prve dvije godine 100% i za treću godinu 50% od ukupnog iznosa taksene obaveze (član 17. Odluke),
- da subjekti koji se profesionalno bave pružanjem usluge reklamiranja po istaknutom panou plaćaju fiksni iznos komunalne takse od 1.500,00 KM godišnje, bez obzira na prostorni obuhvat u kojem su panoi locirani (tarifni broj 2.),
- da se sve stavke/iznosi u tarifnom broju 4. (prodaja roba ili pružanje usluga izvan poslovnih prostorija) u aneksu I – tarifa komunalnih taksa umanje na način kako su predložili.

S obzirom da su obje političke organizacije podnijele svoje prijedloge za izmjenu istih tarifnih brojeva 1, 2. i 4. odnosno korigiranja cijena komunalnih taksi za istaknutu firmu, isticanje reklama te prodaje robe ili pružanja usluga izvan poslovnih prostora, predlagač je cijenio da su isti prihvatljivi s time da je prilikom korigiranja cijena u cijelosti prihvatio prijedlog predlagača NS koji se odnosi na tarifni broj 2. te prijedlog SDA koji je tretirao tarifni broj 4. Što se tiče tarifnog broja 1, predlagač je djelimično prihvatio prijedloge oba predlagača da je potrebno korigirati cijene i izvršio korekciju na način da je smanjio pojedine cijene tako da iste budu realne, optimalne i prihvatljive za sve privredne subjekte sa područja općine Velika Kladuša.

Kad su u pitanju prijedlozi Udruženja Poduzetnika Velika Kladuša, pravnog lica "D&G" d.o.o. Velika Kladuša i Političke organizacije "Naša stranka" Velika Kladuša da se prilikom utvrđivanja visine takse na istaknutu firmu kao kriterij ne uzima površina poslovnog prostora iz razloga jer u Presudi Ustavnog suda Federacije BiH broj: U-15/20 od 26.5.2021. godine nije navedeno kao relevantan kriterij, predlagač iste nije usvojio iz nekoliko razloga koje smatra opravdanim. Naime, u Presudi od 26.5.2021. godine Ustavni sud Federacije BiH je iznio svoje stajalište da vrsta djelatnosti ili zanimanja, ne može biti relevantan kriterij za propisivanje različite niti proizvoljne visine komunalne takse na istaknutu firmu, oznaku obilježje ili natpis na poslovnim i ostalim prostorijama, objektima i mjestima, već su realni i relevantni drugi kriteriji kao što su teritorij općine, odnosno grada gdje se djelatnost obavlja, veličina obilježja ili natpisa istaknute firme itd. Iz navedenog je vidljivo da je Ustavni sud FBiH, primjera radi, naveo neke kriterije koji bi se mogli uzeti kao relevantni za propisivanje različite visine takse za istaknutu firmu. Međutim, isto tako je jasno da svojim stavom Ustavni sud nije isključio mogućnost da jedinica lokalne samouprave svojom odlukom propiše i druge kriterije pod uslovom da se definisanjem takvih kriterija ne ugrozi pravo na jednakost pred zakonom pravnih i fizičkih lica koja obavljaju svoju djelatnost na području općine Velika Kladuša. Predlagač smatra da bi u slučaju ako bi se kao kriterij za propisivanje komunalne takse za istaknutu firmu uzela samo teritorija općine odnosno zona u kojoj obveznik komunalne takse obavlja svoju djelatnost, moglo doći do povrede prava na jednakost privrednih subjekata jer bi, primjera radi, sva pravna i fizička lica koja obavljaju svoju poslovnu djelatnost plaćala npr. u prvoj zoni istu visinu komunalne takse za istaknutu firmu iako imaju različite površine poslovnih prostora koji koriste u obavljanju svoje djelatnosti. Zbog prethodno navedenog, stav je predlagača da je kriterij površina poslovnog prostora realan i relevantan te ni u kojem slučaju ne dovodi u pitanje jednakost pred zakonom poslovnih subjekata te ga zbog toga treba uvrstiti u ovu Odluku.

Primjedbe pravnog lica "D&G" d.o.o. Velika Kladuša da je u nacrtu Odluke o komunalnim taksama i tarifi komunalnih taksa propisano da će se ista obračunavati pravnim i fizičkim licima koji obavljaju poslovnu djelatnost od momenta izdavanja rješenja kojim se utvrđuje da ispunjavaju minimalno tehničke uslove za rad od nadležne Službe a ne od trenutka isticanja natpisa odnosno naziva firme, nisu osnovane. Naime, u članu 6. nacrta Odluke jasno stoji da obaveza plaćanja takse nastaje u trenutku kad se počinje koristiti predmet, prostor ili pružati usluga za čije korištenje je propisano plaćanje takse. S obzirom da je u Aneksu I - Tarifa komunalnih taksi, DIO A – Tarifni broj 1. (istaknuta firma) kao jedan od kriterija za propisivanje komunalnih taksi uzeta površina poslovnog prostora, rješenje nadležnog organa kojim su utvrđeni tehnički i drugi uslovi za obavljanje registrovane djelatnosti predstavlja polaznu osnovu za utvrđivanje te površine.

Na osnovu svega gore prethodno navedenog, predlagač predlaže Općinskom vijeću Općine Velika Kladuša usvajanje prijedloga Odluke o komunalnim taksama i Tarifi komunalnih taksa, kao u predloženom tekstu.